

**დადგენილება**

**ჩოხატაურის მუნიციპალიტეტის ტერიტორიაზე დასუფთავებისათვის მოსაკრებლის შემოღების, გადახდის ინსტრუქციისა და გადახდის ქვითრის ტიპიური ფორმის, დამტკიცების შესახებ**

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის 1-ლი პუნქტის „დ.ბ“ ქვეპუნქტის, 61- მუხლის პირველი და მეორე პუნქტების, 93-ე მუხლის 1-ლი, მე-2 და მე-3 პუნქტის, „ადგილობრივი მოსაკრებლების შესახებ“ საქართველოს კანონის და „ნორმატიული აქტების შესახებ“ საქართველოს კანონის საფუძველზე ჩოხატაურის მუნიციპალიტეტის საკრებულო ადგენს:

**მუხლი 1.**

დამტკიცდეს ჩოხატაურის მუნიციპალიტეტის ტერიტორიაზე დასუფთავებისათვის მოსაკრებლის გადახდის ინსტრუქცია თანახმად დანართისა. (დანართი 1)

**მუხლი 2.**

დამტკიცდეს ჩოხატაურის მუნიციპალიტეტის ტერიტორიაზე დასუფთავებისათვის მოსაკრებლის ოდენობა, თანახმად დანართისა. (დანართი 2)

**მუხლი 3.**

დამტკიცდეს ჩოხატაურის მუნიციპალიტეტის ტერიტორიაზე დასუფთავებისათვის გადახდის ქვითრის ტიპიური ფორმა თანახმად დანართისა. (დანართი 3)

**მუხლი 4.**

დამტკიცდეს კურორტ ბახმაროს ტერიტორიაზე დასუფთავებისათვის გადახდის ქვითრის ტიპიური ფორმა თანახმად დანართისა. (დანართი 4)

**მუხლი 5.**

ამ დადგენილების ამოქმედების დღიდან ძალადაკარგულად გამოცხადდეს ჩოხატაურის მუნიციპალიტეტის საკრებულოს 2011 წლის 29 აგვისტოს № 50 დადგენილება „ჩოხატაურის მუნიციპალიტეტში დასუფთავების მოსაკრებლის შემოღებისა და დასუფთავების

მოსაკრებლის გადახდის ინსტრუქციის დამტკიცების შესახებ“ ([www.matsne.gov.ge](http://www.matsne.gov.ge) 12/09/2011  
სარეგისტრაციო კოდი 210020010.35.114.016072)

**მუხლი 6.**

დადგენილება ძალაშია გამოქვეყნებისთანავე.

**ჩოხატაურის მუნიციპალიტეტის ტერიტორიის დასუფთავებისათვის მოსაკრებლის გადახდის  
ინსტრუქცია**

**მუხლი 1. ზოგადი ნაწილი**

1. ჩოხატაურის მუნიციპალიტეტის ტერიტორიის დასუფთავებისათვის მოსაკრებლის გადახდის ინსტრუქცია აწესრიგებს ჩოხატაურის მუნიციპალიტეტის ტერიტორიაზე ნარჩენების შეგროვების და გატანის სისტემის მქონე დასახლებული და კურორტ ბაზმაროს ტერიტორიაზე საყოფაცხოვრებო ნარჩენების წარმომქმნელთა მიერ დასახლებული ტერიტორიის დასუფთავების მოსაკრებლის გადახდასთან დაკავშირებულ ურთიერთობებს, განსაზღვრავს მოსაკრებლის გადახდის წესსა და მოსაკრებლის გადამხდელთა უფლება-მოვალეობებს.
2. ჩოხატაურის მუნიციპალიტეტის ტერიტორიის დასუფთავებისათვის მოსაკრებელი (შემდგომში – მოსაკრებელი) წარმოადგენს ჩოხატაურის მუნიციპალიტეტის ტერიტორიაზე ნარჩენების შეგროვების და გატანის სისტემის მქონე დასახლებული და კურორტ ბაზმაროს ტერიტორიაზე საყოფაცხოვრებო ნარჩენების წარმომქმნელთა მიერ დასახლებული ტერიტორიის დასუფთავების მოსაკრებელს.
3. ნარჩენების წარმომქმნელი ვალდებულია მოსაკრებელი გადაიხადოს დადგენილ ვადებში.
4. იურიდიულ პირებს მოსაკრებლის ოდენობის განსაზღვრის მიზნით მუნიციპალიტეტის შესაბამისი სამსახური უგზავნის შეტყობინებას მოსაკრებლის ოდენობის შესახებ. შეტყობინებას თან ერთვის ამ ინსტრუქციის შესაბამისად დასაბუთებული გაანგარიშება.
5. მოსაკრებლის გადაუხდელობა, გადახდის ვადების დარღვევა, ითვლება დასუფთავების წესების დარღვევად და დამრღვევის მიმართ გამოყენებული იქნება საქართველოს ადმინისტრაციულ სამართალდარღვევათა კოდექსით გათვალისწინებული ნორმები.
6. მუნიციპალიტეტის გამგეობის შესაბამისი სამსახურის მიერ მოსაკრებელი ამოიღება ამ წესის შესაბამისად.

**მუხლი 2. მოსაკრებლის გადამხდელი**

მოსაკრებლის გადახდა სავალდებულოა ჩოხატაურის მუნიციპალიტეტის ტერიტორიაზე ნარჩენების შეგროვების, გატანის სისტემის მქონე ტერიტორიებსა და კურორტ ბახმაროში საყოფაცხოვრებო ნარჩენების წარმომქმნელი ყველა ფიზიკური და იურიდიული პირისთვის ამ ინსტრუქციის თანახმად

### **მუხლი 3. მოსაკრებლის განაკვეთი, მისი გამოანგარიშებისა და გადახდის წესი**

1. მოსაკრებლის განაკვეთს განსაზღვრავს მუნიციპალიტეტის საკრებულო.
2. მოსაკრებელი ჩოხატაურის მუნიციპალიტეტის ტერიტორიაზე გაიანგარიშება მოსახლისთვის სულადობის მიხედვით ხოლო კურორტ ბახმაროს ტერიტორიაზე სააგარაკე სახლის მესაკუთრის ან/და მოსარგებლის მიხედვით. ორგანიზაციების, დაწესებულებებისა და იურიდიული პირებისათვის – დაგროვილი ნარჩენების წონის, მოცულობის ან/და ნარჩენების დაგროვების ნორმის, ნარჩენების სახეობის მიხედვით, აგრეთვე ნარჩენების წარმომქმნელის შემოსავლის, ქონების, დაკავებული ფართობის, დასაქმებული პერსონალის რაოდენობის, საქონლის (მომსახურების) მომხმარებელთა რაოდენობის, მიღებული სხვა საბინაო-კომუნალური მომსახურების მოცულობის (ღირებულების) მიხედვით. მოსაკრებლის ოდენობის დადგენისას შესაძლებელია გამოყენებულ იქნეს ამ სიდიდეების კომბინაცია.
3. ჩოხატაურის მუნიციპალიტეტსა და კურორტ ბახმაროში (სეზონურად) მოსახლისათვის მოსაკრებლის გადახდის ქვითარი (შემდგომში ქვითარი) გამოიწერება იმ უძრავი ქონების მესაკუთრეზე (შემდგომში – მესაკუთრე) ან/და მოსარგებლეზე, რომლის საკუთრებაშიც წარმოიქმნება საყოფაცხოვრებო ნარჩენები.
4. ფიზიკური პირი მოსაკრებელს იხდის მხოლოდ საცხოვრებელი ადგილის მიხედვით.
5. მოსაკრებლის გადახდის ქვითარი ორგანიზაციებისა და დაწესებულებებისათვის გამოიწერება იმ ორგანიზაციის, დაწესებულებისა და იურიდიული პირის სახელზე, რომლის საქმიანობის შედეგად წარმოიქმნება საყოფაცხოვრებო ნარჩენი.
6. მოსაკრებელი შეიძლება გადახდილ იქნეს ქვითარში დაფიქსირებული ნებისმიერი გადამხდელის ან მისი წარმომდგენი სხვა პირის მიერ.
8. მესაკუთრე ფიზიკური პირი (გარდა მეწარმე ფიზიკური პირისა), რომლის საკუთრებაშიც წარმოიქმნება ნარჩენი, ვალდებულია წარმომქმნელთა რაოდენობის ცვლილების შესახებ 30 დღის განმავლობაში აცნობოს მოსაკრებლის გადახდევინებისათვის პასუხისმგებელ სამსახურს ან საამისოდ უფლებამოსილ იურიდიულ პირს.

9.ნარჩენების წარმომქმნელი მაცხოვრებლის რაოდენობის შეცვლის შემთხვევაში მიმდინარე თვის მოსაკრებელი იფარება ცვლილების გაუთვალისწინებლად.

10.მესაკუთრის შეცვლის შემთხვევაში ყოფილმა მესაკუთრემ მოსაკრებლის მიმდინარე დავალიანება უნდა დაფაროს იმ თვის ბოლომდე, რომელშიც მოხდა საკუთრების გადაცემა.

11.თუკი წინასწარ გადახდილი თანხა, რომელიც შეტანილი იყო მოსაკრებლის ახალი განაკვეთის ძალაში შესვლისას, უფრო მცირეა, ვიდრე გადახდის დღის დადგომის შემდეგ, სხვაობა უნდა დაიფაროს განაკვეთის ძალაში შესვლიდან ერთი თვის ვადაში. თუკი წინასწარ გადახდილი თანხა, რომელიც შეტანილი იყო ახალი განაკვეთის ძალაში შესვლამდე, აღემატება ახალ ამოქმედებულ განაკვეთს, სხვაობა ახალი განაკვეთის ამოქმედების შემდეგ უნდა გამოაკლდეს ახალი განაკვეთის თანხას.

#### **მუხლი 4. მოსაკრებლის გადახდის ვალდებულების წარმოქმნა, შეცვლა და მისგან გათავისუფლება**

1. ჩოხატაურის მუნიციპალიტეტის ტერიტორიაზე მოსაკრებლის გადახდის ვალდებულება წარმოიქმნება მოსახლეობისათვის – მომსახურების ერთი თვის განმავლობაში მიღების შემთხვევაში, ორგანიზაციების, დაწესებულებების, ინდივიდუალური მეწარმეებისა და იურიდიული პირებისათვის – მომსახურების მიღებისთანავე.

2. მოსაკრებლის გადახდის ვალდებულება წარმოიქმნება კურორტ ბახმაროს ტერიტორიაზე ფიზიკური პირებისათვის, ორგანიზაციების, დაწესებულებების, ინდივიდუალური მეწარმეებისა და იურიდიული პირებისათვის – მომსახურების მიღებისთანავე.

3. სპეციალიზირებულ, სახელოვნებო, საგანმანათლებლო დაწესებულებებში, სადაც სწავლების პროცესი მიმდინარეობს გრაფიკით, მოსწავლეთა ყოველდღიური რაოდენობა იანგარიშება საერთო სიობრივი რაოდენობიდან გრაფიკის მიხედვით საშუალო დასწრებაზე ყოველდღიურად.

4. საწარმოო ობიექტმა ან/და ორგანიზაციამ, რომლებიც სხვადასხვა მიზეზების გამო არ ფუნქციონირებს, გამოუყენებელია და არ წარმოიქმნება ნარჩენი, ვალდებულია ცვლილების შესახებ 30 კალენდარული დღის განმავლობაში წერილობით აცნობოს (შესაბამისი დასაბუთებით), მოსაკრებლის გადახდევინებისათვის პასუხისმგებელ სამსახურს ან საამისოდ უფლებამოსილ იურიდიულ პირს, წინააღმდეგ შემთხვევაში იგი არ განთავისუფლდება მოსაკრებლის გადახდის ვალდებულებისაგან.

5. მოსაკრებლის გადამხდელ ფიზიკურ პირს (მეწარმე ფიზიკური პირის გარდა) ჩოხატაურის მუნიციპალიტეტიდან ერთ თვეზე მეტი ვადით გასვლის შემთხვევაში უფლება აქვს მოითხოვოს მოსაკრებლის შესაბამისი ოდენობით შემცირება, რისთვისაც იგი წინასწარ წერილობით (მათ შორის, ელექტრონული ფოსტის საშუალებით) მიმართავს მოსაკრებლის გადახდევინებისათვის პასუხისმგებელ სამსახურს ან საამისოდ უფლებამოსილ იურიდიულ პირს. წერილობით (მათ შორის ელექტრონული ფოსტის საშუალებით) მომართვაში დაფიქსირებული უნდა იყოს მოსახლის ქალაქში არყოფნის ვადა. ამ ვადის ცვლილების შემთხვევაში მოსაკრებლის გადამხდელი ვალდებულია აცნობოს აღნიშნულ სამსახურს ამ ცვლილების შესახებ. (აღნიშნული პუნქტი არ ვრცელდება კურორტ ბახმაროს ტერიტორიაზე)
6. სახელმწიფო ორგანოები და მათი სტრუქტურული ქვედანაყოფები, სსიპ-ები და ა(ა)იპ-ები სარგებლობენ მოსაკრებლის გადახდის 50%-იანი შეღავათებით.
7. მოსაკრებლის გადახდის ვალდებულებისაგან თავისუფლდება საქართველოს კანონმდებლობით განსაზღვრული შეჭირვებული მოსახლეობა კანონმდებლობით განსაზღვრული კრიტერიუმით (სოციალურად დაუცველი ოჯახების მონაცემთა ერთიან ბაზაში არსებული პირები, რომელთა სარეიტინგო ქულა უტოლდება ან ნაკლებია 65 000 ქულაზე), და კომპაქტურად ჩასახლებული დევნილები
8. არ დაერიცხება დასუფთავების მოსაკრებელი საწარმოო ობიექტებსა და ორგანიზაციებს, რომლებიც სხვადასხვა მიზეზების გამო არ ფუნქციონირებს, გამოუყენებელია და არ წარმოიქმნება ნარჩენი, გარდა იმ შემთხვევისა, როდესაც მათ წარმოექმნებათ ნარჩენი ერთხელ მაინც კალენდარული თვის მანძილზე.
9. მოსაკრებლის გადახდის ვალდებულებისგან თავისუფლდება ჩოხატაურის მუნიციპალიტეტის ადგილობრივი თვითმმართველობის ორგანოები.
10. მოსაკრებლის გადახდის ვალდებულებისგან თავისუფლდება ჩოხატაურის მუნიციპალიტეტში მცხოვრები მეორე მსოფლიო ომის მონაწილეები.
11. მოსაკრებლის გადახდის ვალდებულებისგან თავისუფლდება საქართველოს თავისუფლებისა და ტერიტორიული მთლიანობისათვის ბრძოლაში დაღუპულთა ოჯახები და დაზარალებული პირები.

12. ფიზიკური და იურიდიული პირები გათავისუფლდნენ აღნიშნული წესის ძალაში შესვლის თარიღამდე დასახლებული ტერიტორიის დასუფთავებისათვის მოსაკრებლის დავალიანების გადახდისაგან.

13. იურიდიული პირები, რომელთაც დასუფთავების მომსახურებასთან დაკავშირებით გაფორმებული აქვთ მიმდინარე ხელშეკრულებები სატარიფო ცვლილება შეეხებათ 2018 წლის 01 იანვრიდან.

14. მოსაკრებლის განაკვეთის შეცვლა შესაძლებელია განხორციელდეს შესაბამისი დასაბუთების (ქრონომეტრაჟის და ტენდენციების) საფუძველზე.

### **მუხლი 5. მოსაკრებლის ბიუჯეტში ჩარიცხვის წესი, პერიოდულობა და ვადები**

1 . მოსაკრებლის გადახდა წარმოებს ნაღდი ან უნაღდო ანგარიშსწორებით, საბანკო დაწესებულებაში, ჩოხატაურის მუნიციპალიტეტის ანგარიშზე. მოსაკრებელი გადაიხდება ეროვნულ ვალუტაში. მოსაკრებლის გადახდა დასტურდება მოსაკრებლის გადახდის თაობაზე საბანკო დაწესებულების მიერ გაცემული, დადგენილი ფორმის ქვითრის წარდგენით

2 . ჩოხატაურის მუნიციპალიტეტის ტერიტორიაზე მოსაკრებელი გადაიხდებინება თვეში ერთხელ, თვის ბოლო კალენდარული დღის მეორე დღიდან, 20 დღის განმავლობაში. ხოლო კურორტ ბახმაროს ტერიტორიაზე მოსაკრებლის გადახდის ქვითრის გამოიწერიდან 5 დღის ვადაში.

3. გადამხდელს შეუძლია მოსაკრებელი გადაიხადოს წინასწარ.

4. მოსაკრებელი მთლიანად ჩარიცხება ადგილობრივ ბიუჯეტში.

### **მუხლი 6. პასუხისმგებლობა მოსაკრებლის გადახდევინებისათვის**

1. კონტროლი მოსაკრებლის გამოანგარიშებასა და ბიუჯეტში შეტანის ორგანიზებაზე დაევალოს მუნიციპალიტეტის გამგეობის შესაბამის სამსახურებს: საფინანსო სამსახურს, მუნიციპალური ქონების მართვისა და ზედამხედველობის სამსახურს.

2. ა(ა)იპ „სხივს“ დაეკისროს

ა) გადამხდელთა აღრიცხვა და ბაზის შექმნა;

ბ) გადამხდელად რეგისტრაცია და დასუფთავების მოსაკრებლის ქვითრის გადამხდელისთვის წარდგენის უზრუნველყოფა;

გ) დავალიანების რეესტრის წარმოება;

დ) პასუხისმგებლობა მოსაკრებლის ამოღებაზე

ე) კვარტლური ანგარიშის წარმოდგენა.

3. ა.ა) იპ „კურორტ ბახმაროს“ ადმინისტრაცია დახმარებას უწევს კურორტ ბახმაროს ტერიტორიაზე ა.ა) იპ „სხივს“ გადამხდელთა აღრიცხვასა და ბაზის შექმნაში ასევე მოსაკრებლის ამოღებაში.

4. ადგილობრივ მოსაკრებლებთან დაკავშირებულ დავას წყვეტს სასამართლო საქართველოს კანონმდებლობით დადგენილი წესით.



**ჩოხატაურის მუნიციპალიტეტის ტერიტორიაზე დასუფთავებისათვის მოსაკრებლის ოდენობა**

**მუხლი 7. დასუფთავების მოსაკრებლის ოდენობა**

1. დაბა ჩოხატაურში მოსაკრებლის ოდენობა განისაზღვროს ერთ სულ მოსახლეზე 0.25 ლარით. ოჯახის წევრთა რაოდენობის მიუხედავად, სულადობის მაქსიმალური ზღვრული ოდენობა განისაზღვროს 4 სულით.
2. კურორტ ბახმაროს ტერიტორიაზე მოსაკრებლის ოდენობა განისაზღვროს ზაფხულის სეზონისათვის მესაკუთრის ან/და მოსრგებლისათვის 5 (ხუთი) ლარით.
3. იურიდიული პირის, ორგანიზაციისა და დაწესებულებებისათვის, მოსაკრებლის ოდენობა განისაზღვროს არაუმეტეს 25 ლარით თვეში ერთ კუბურ მეტრ ნარჩენზე ცხრილი N1-ის შესაბამისად.
4. კურორტ ბახმაროს ტერიტორიაზე იურიდიული პირის, ორგანიზაციისა და დაწესებულებებისათვის, მოსაკრებლის ოდენობა განისაზღვროს არაუმეტეს 25 ლარით თვეში ერთ კუბურ მეტრ ნარჩენზე ცხრილი N2-ის შესაბამისად.

N	მოსაკრებლის გადამხდელთა დასახელება	ზომის ერთეული	მოსაკრებლის ოდენობა თვეში ზომის ერთეულზე (ლარი)
1	2	3	4
1	იუსტიციის სახლები ( ინფრასტრუქტურის ფართზე მოსაკრებელი არდაერიცხება )	საერთო ფართის 1 კვმ	0.08
2	ოფისები , სააგენტოები , პროფესიული და სახელმწიფო ორგანიზაციები , ბანკები , საკრედიტო და საფინანსო ორგანიზაციები ( ინფრასტრუქტურის ფართზემოსაკრებელი არ დაერიცხება )	საერთო ფართის 1 კვმ	0.08
3	კინოთეატრები და თეატრები	მაყურებლის ერთი სავარძელი	0.08
4	სკოლები , ინსტიტუტები , კოლეჯები , საბავშვო ბაგა - ბაღები , საგანმანათლებლო დაწესებულებები ( ინფრასტრუქტურის ფართზემოსაკრებელი არ დაერიცხება )	ერთ მოსწავლეზე	0.05
5	სასტუმროები, საოჯახო ტიპის სასტუმროები ( ინფრასტრუქტურისფართზე მოსაკრებელი არდაერიცხებ	მომსახურებისერ თეული ( საწოლი )	1.5
6	საავადმყოფოები , პოლიკლინიკები , სამედიცინო დიაგნოსტიკურიცენტრები	საერთო ფართის 1 კვმ	0.08
7	ექიმებისა და სტომატოლოგიური კაბინეტები ( ინფრასტრუქტურის	საერთო ფართის 1 კვმ	0.5

	ფართზე მოსაკრებელი არდაერიცხება )		
8	სტადიონები , კერძო სპორტულგამაჯანსაღებელი დაწესებულებების ღია ტერიტორიები და მანქები (სატურნირო და სავარჯიშო მოედნების გარდა )	ღია ფართის 1 კვმ	0.02
		დახურული ფართის 1 კვმ	0.08
9	სასურსათო საქონლის მაღაზიები ( სავაჭრო დარბაზები )	დახურული ფართის 1 კვმ	0.35
10	სამრეწველო საქონლის მაღაზიები და აფთიაქები ( სავაჭრო დარბაზები	სამუშაო ფართის 1 კვმ	0.35
11	აგრარული ბაზრები , ყვავილების ღია და დახურული მაღაზიები	სამუშაო ფართის 1 კვმ	0.024
12	შერეული საქონლის ბაზრობები	სამუშაო ფართის 1 კვმ	0.3
13	ავტოსადგომები და საწყობები პირდაპირი მიყიდვის გარეშე ( გარდა საცავების პროდუქციის ხანგრძლივი შენახვის დროით )	ღია ფართის 1 კვმ	0.05
		დახურული ფართის 1 კვმ	0.08
14	ავოგასამართი სადგურები	საერთო ფართის 1 კვმ	0.09
15	ავტომანქანების სარემონტო სადგურები , ტექნიკური მომსახურების ადგილები	ღია საერთო ფართის 1 კვმ	0.05
		საერთო ფართის 1 კვმ	0.16
16	აბანოები , საუნები	საერთო ფართის 1 კვმ	0.2
17	სადალაქო და სილამაზის სალონები	საერთო	0.35

		ფართის 1 კვმ	
18	მცირე სამეწარმეო საქმიანობა , შენობის შიგნით მიმდინარე წარმოებისას საყოფაცხოვრებო მომსახურების ობიექტები	საერთო ფართის 1 კვმ	0.30
19	რესტორნები , პიცერიები , ს ასადილოები , კაფეები და ბარები	ერთ საჯდომადგილზე ე	1.5
20	საბანკეტო დარბაზები სარიტუალო მომსახურებისთვის	ერთ საჯდომადგილზე ე	0.70
21	საცხოვრებო	სამუშაო ფართის 1 კვმ	0.35
22	დისკოთეკები , ღამის კლუბები , კაზინოები , ტოტალიზატორები , სათამაშო და გასართობი ცენტრები	საერთო ფართის 1 კვმ	0.35
23	საწარმოო ობიექტების ლიატერიტორიები , სადაცმიმდინარეობს საწარმოო პროცესი	საერთო ფართის 1 კვმ	0.20
24	სერიული პროდუქციის საწარმოების შენობა - ნაგებობები ( საწარმოო ნარჩენების გარდა )	საერთო ფართის 1 კვმ	0.30

N	კურორტ ბახმაროს ტერიტორიაზე არსებული იურიდიული პირები, ორგანიზაციები და დაწესებულებები.	მოსაკრებლის ოდენობა თვეში ზომის ერთეულზე (ლარი)
1	სასტუმრო	10 <sup>3</sup> -25
2	პოლიციის განყოფილება	10 <sup>3</sup> -25
3	პოლიკლინიკა	10 <sup>3</sup> -25
4	შემოქმედის ეპარქიის რეზიდენცია	10 <sup>3</sup> -25
5	დაცვის სამსახურები	10 <sup>3</sup> -25
6	სასურსათო და სამრეწველო მაღაზიები	10 <sup>3</sup> -15
7	საცხოზები	10 <sup>3</sup> -15
8	დასასვენებელი სახლები (ბანაკები)	10 <sup>3</sup> -25
9	აგრარული ბაზარი	10 <sup>3</sup> -25
10	აფთიაქები	10 <sup>3</sup> -15
11	აბანოები	10 <sup>3</sup> -10
12	სადალაქო, სილამაზის სალონი	10 <sup>3</sup> -10
13	სასადილოები	10 <sup>3</sup> -15
14	ღია ტიპის დასვენებისა და გასართობი თავშეყრის ადგილები, ატრაქციონები.	10 <sup>3</sup> -15
15	მცირე ზომის ატრაქციონები	10 <sup>3</sup> -10